



Aningaasaqarnermut – aammalu Akileraartarnermut
ataatsimiitsitaliaq

Nuuk, ulloq 3. oktober 2024

Allakkap nr. D24-11451

Suliap nr. S24-187

saam@ina.alla.gl

Oqaaseqaatit Inatsisartut inatsisaannut unnuinermi akileraarut pillugu

Sulisitsisut siunnersuut aallaqqaasiutaasumik siunnersuut sammivaat, tassanilu ilassutinik arlariinnik ilanngussilluta. Taamaattumillu Sulisitsisut kingullermik tusarniummut uparuaatissaqarsimanata.

Tassami neriorsuutigineqarsimammat ukioqqortussutsimut tunngasortaa peerneqarumaartoq. Grøn

Sulisitsisut nuannaarutigaat siuliini tusarniutaasuni allannguutaasimasut, immikkut manna, tassalu ukioqqortussutsimut tunngasortaata peerneqarsimaneranik aaliangersimaneq.

Sulisitsisulli sakkortuumik inassutiginnigilaat, nunaqavissunik allanik akitsuummut peqataatinngerneqarnissaannik. Taamatut atuutsitsinnginnerup kingunerisussaavaa annertuallaamik allaffissornerup kinguneqartitsinneqarnissaannik, siunnersuummi allat taaneqareersunut sanilliukkaanni. Tamannami imaasisussaassammat malitsikkuminaattussaalluni, tassa nunaqavissunut bopælsattest-imik piumasaqarnikkut timmisartumut ikilernermi takutittassagaanni.

Tassami taanna takutissinnaangikkaanni, taava unnuisarfiit naapertuuttumik tamagiinnut nunaqavissunut aammalu takornarissanut sullissisinnaangillat, tamatumap unamminartumik nassataqarnissaa aammalu saaffiginnittarfinni aporaaffiusinnaasunik pilersitsinissaa aarleqqutigaarput.

Taamaattumillu inassutigaarput akitsuut tamanut atuuttariaqartoq, nunaqavissunut aammalu takornarissanut, tassami nunaqavissut arlallit inuussutissarsiornikkut takornarissatut taaneqarsinnaassammata. Apeqqutaatinnagu suna siunertaralugu tassaniinnersoq imaluunniit sooq, tassami taamaasilluni Kalaallit Nunaannut isernermi tamakkua tamarmik artuukkiissutaasussaammata, taamaattumillu siunnersuutip taannartaa peerneqassasoq isumaqarluta.

Akitsuut taanna 30 kr. annikillilerneqartariaqarpoq 20 kr-ninngorlugu, soorlu tamanna siunnersuummi kingullermi takuneqarsinnaasoq, tusarniutaasumi.

Allaffissornikkut taamaasillunilu aningaasatigut nassatassai piinnarnagit taava tamanna toqqaannartumik unnuisarfinnut qaavatigut aningaasartuutaasussaavoq. Taakkuami akiliutit (kreditkort) 2-3 %-i angullugu aammalu taassumap qaavatigut tunisinermi 15 % OTA'inut akiuliutaasarluni.

Tamanna imatut qaavatigut aningaasartuutaasunut ilassutaasumik aningaasartuutaassaaq 5 kr. missaani init attartorneqarneri tamaasa.
Tamannalu unnuisarfiiit ilaannut taamatut aningaasartuuteqarneq ukiumut 100.000 kr.-inik naleqarluni.

Sulisitsisut ilerasuutigisaasa annerpaat ilagaat manna:

1. Pisariaqanngitsumik akitsuutinik eqqussineqannginnissaa siunertamut tunngatillugu, tassami tiguisussat aningaasatigut sinaakkutit pitsaanerpaanik illoqarfinni aammalumi kommunini atugassaqaqqullugit.
2. Unnuisarfinnummi allaffissornikkut aqukkuminaattumik pisoqalernissaa bopælsattest-imik takutitseqqaarluni piumasqaateqarnerup nassatarissammagu check-in-ernermi.

Sulisitsisut neriuutigaat, Inatsisartut inassuteqaatigut ilassilluarumaaraat.

Inussiarnersumik Inuulluaqqusillunga



Karsten Lyberth-Klausen | Sulisitsut